

新疆圖志卷五十

軍制二

國朝

國朝底定西陲兵制迄今凡三變初乾隆時之蕩平南北路也以伊犁為總匯重地烏魯木齊居中外衝要分設旗綠各營攜眷移戍謂之駐防南路回疆及塔爾巴哈臺則更番輪戍三年一易謂之換防按塔爾巴哈台本有駐防兵九百綠旗駐屯兵六百後撤去駐防惟存換防及屯兵共二千駐防換防之綠營皆自陝甘移調者也其駐防之滿洲兵則移自熱河西安涼州莊浪等處察哈爾蒙古兵則移自張家口外游牧索倫錫伯等兵則移自東三省厄魯特沙畢納爾兵則拔自新附兵換防之滿洲兵北路塔爾巴哈台則自伊犁調撥南路喀什噶爾英吉沙爾葉爾羌烏什阿克蘇則自伊犁烏魯木齊古城巴里坤等處調撥卡倫之兵領以侍衛滿洲駐防隸於佐領綠旗隸於營官回兵則令各城伯克經理而以駐劄之將軍都統大臣總轄之其制

新疆圖志

軍制二

一

總統伊犁等處將軍

乾隆二十五年參贊大臣阿桂由阿克蘇帶兵至伊犁鎮守開屯為辦事大臣二十七年十月奉上諭伊犁初定新疆之地現在建城駐兵此缺應作為將軍鎮守地方將軍之

設自 此始 掌新疆之軍政 山北山南皆聽節制 設參贊大臣一

乾隆二十六年十一月奉 上諭伊犁已

設將軍應設參贊大臣同辦事務初設係二人至二十九年始為一人 參贊軍務與將軍同駐伊犁 印房掌關防司員一糧餉處司員一幫辦三駝馬處司員一幫辦一營務處章京無定額卡倫侍衛十五印房糧餉駝馬三處筆帖式四委筆帖式八軍臺委筆帖式六撫民同知一理事同知一巡檢六

惠遠城滿營

自乾隆廿九年始至三十一年止調熱河涼州莊浪滿營官兵陸續攜眷移駐共弁兵四千三百七十人

協領之官八

乾隆三十一年將軍明瑞 奏准

佐領之官四十

乾隆三十一年將軍明瑞 奏准熱河涼州莊浪三處移駐伊犁眷兵現經到齊原分八旗每旗有協領一人惟各旗所管牛泉有六旗每旗皆五個牛泉有二旗每旗僅四個牛泉不能整齊難於管束請添二牛泉共成四十牛泉

防禦四十 驍騎校四十 世襲恩騎尉

內空藍 領八人

二一阿岳什後嗣 二一隆珠後嗣

催總四十人 領催一百二十人 前鋒三百二十人 內委 金頂

藍翎前鋒校四十人小旗四十人另由佐領內選委前鋒翼長二人為前鋒總轄又由佐領防禦內選委前鋒章京八人各管一旗前鋒 馬甲二千八百人 內委前鋒 二百人 礮手

四十人 步甲六百人 匠役八十人 養育兵二百四十人 鳥槍步

甲四百人

乾隆五十五年將軍保甯 奏准添設

惠甯城滿營

自乾隆廿五年始至三十六年止調西安滿洲蒙古兵陸續攜眷移駐共弁兵二千二百零四 領隊大臣一

乾隆三十四年將軍永貴以駐防兵丁到齊協領等

官管束尙覺任 輕 奏准添設

協領之官四

原移駐時協領三人將軍增海 奏裁一人所留二人兼管佐領至乾隆三十六年將軍伊勒圖 奏將惠甯滿營分為十六牛泉每協領一人管理二旗除現有二人

再添協領二人其協領所兼佐領二人 缺即請添設佐領二人得 旨永行

佐領之官十六 防禦十六 饒騎校十六 內空藍 翎四人

世襲恩騎尉四一阿勒達後嗣一巴什後嗣一松果託後嗣一晉昌後嗣委筆帖式二領催六十四人前

鋒一百六十人內委金頂藍翎前鋒校十六人小旗十六人由佐領內選委前鋒翼長一人以為前鋒總轄又由防禦內選委前鋒章京四人每人專管兩旗前鋒馬甲一千

四百五十六人內委前鋒四十人礮手十六人步甲三百二十一人匠役四十

八人養育兵六十四人

錫伯營在伊犁河南岸駐劄三十年自盛京調弁兵一千零八十八人移駐領隊大臣一乾隆二十年設管理本營官兵事

務總管副總管各一佐領之官八乾隆三十二年將軍阿桂奏明錫伯兵丁舊有佐領六人驍騎校六人領催二十四人請添設佐領二人驍騎校

二人再由兵丁內挑補領催八人合驍騎校八人空藍翎六人委筆帖式二領催三十人每佐領下領催四人兵丁二十一人驍騎校八空藍翎六委筆帖式二領催三十

二人披甲九十八人

索倫營左翼四旗為索倫在奎屯薩瑪爾地方游牧右翼四旗為達呼爾在霍爾果斯科河一帶建蓋房屋居住乾隆二十九年自黑龍江調弁兵一千零八十八人移駐領隊大臣一

乾隆二十年設管理本營官兵事務總管副總管各一佐領之官八乾隆三十二年阿桂

奏明索倫兵丁舊有佐領六人驍騎校六人領催三十四人請添放佐領二人驍騎校二人再由兵丁內挑補領催八人合每佐領下領催四人兵丁一百二十一人驍騎校八世襲雲騎

尉一烏勒特克後嗣空藍翎九委筆帖式二前鋒校四人前鋒三十六人

領催三十二人披甲九百六十八人養育兵二百人

察哈爾營左右兩翼在波羅達拉哈布塔海賽里木淖爾一帶地方游牧領隊大臣一乾隆二十年設管

### 新疆圖志

軍制二

二

理本營官兵事務左翼總管一副總管一佐領之官八乾隆三十二年將軍阿桂奏

明察哈爾兵丁一千八百人分為左右兩翼每翼合兵九百人又附住閒散厄魯特二百人每翼分一百人除舊有佐領六人驍騎校六人領催十六人外請再添佐領二人驍騎校二人領催十六人每佐領下合領催四人兵一百零八人附閒散厄

魯特十三人驍騎校八空藍翎二委筆帖式二領催三十二披甲八百

六十八人右翼總管一副總管一佐領之官八驍騎校八世襲

雲騎尉二一軍楞端多克後嗣一厄楞臣後嗣空藍翎二委筆帖式一領催三十二人披

甲八百六十八

厄魯特營上三旗在特克斯察林塔瑪哈一帶地方游牧下五旗在霍諾海吉崆斯哈什一帶地方游牧乾隆二十年調熱河達什達瓦厄魯特官兵編為左翼除設總管佐領驍騎校等官原設領催兵丁五百人其自

乾隆二十五年起陸續招撫厄魯特及由哈薩克布魯特投出者編為右翼除設佐領驍騎校等官原設領催兵丁七百人領隊大臣一乾隆三十年設管理本營官

兵事務上三旗總管一副總管一佐領之官六驍騎校六世襲

雲騎尉二一鄂勒追鄂羅什瑚後嗣一納默庫後嗣空藍翎三委筆帖式二領催二十四人食

一兩五錢披甲二人食一兩披甲四百七十四人食五錢披甲

六百六十四人下五旗乾隆三十六年將軍阿桂奏明左翼厄魯特六個佐領作為上三旗每旗兩個佐領每佐領合兵八十三人閒散四十四五人右翼厄魯特佐領六人驍

騎校六人兵四百二十人閒散一千三百人每佐領下合領催兵丁七十人閒散二百六十七人現添四個佐領亦請照舊有佐領所有兵丁數目每佐領合領催四人兵六十六人其餘一千二百六十人閒散壯丁均攤每佐領下合一百四十五人編

為下總管一副總管一佐領之官十驍騎校十世襲雲騎尉三一揚準後

嗣一哈爾察海後  
嗣一碩通後嗣

空藍翎二委筆帖式一拜唐阿一人領催四十人食

一兩披甲五百人食五錢披甲一千零七十七人

察畢納爾營

沙畢納爾乾隆三十六年隨土爾扈特安插伊犁歸入厄魯特  
下五旗管束三十七年將軍舒赫德奏另編爲四個佐領  
副總管職銜佐領

一原設佐領四人嘉慶二十年將軍松筠奏生齒日繁游牧漸遠下五旗總管等管理難周請於沙畢納爾四佐領之內添副總管職銜一人幫同管理沙畢納爾四佐領事務再添空藍翎二缺得旨永行

驍騎校  
十一人

烏魯木齊都統

駐鞏甯城此缺舊係參贊大臣乾隆三十八年改設轄領隊大臣五掌烏魯木齊之軍政  
印房糧餉駝馬處章京三筆帖式三委筆帖式六書識十八

本城滿營

乾隆三十七年由涼州莊浪移駐領隊大臣一協領之官六佐領之官二十

四人領催九十六人前鋒二百四十人

三百零四人礮手四十八人步甲三百三十六人匠役四十八

人養育兵二百八十人

古城滿營

乾隆三十九年因巴里坤兵糧運送維艱將原移甯夏滿營由巴里坤撥古城駐防

領隊大臣一筆帖式一委協領之官

二內兼前鋒翼長一人佐領之官八

防禦八驍騎校八

領催三十二人前鋒四十人

馬甲七百六十八人

礮手十六人步甲一百四十四人匠役十六人養育兵六十人

巴里坤滿營

乾隆三十七年安西將軍奏准由西安甯夏兩處滿營各裁撥一千移駐巴里坤嗣因該處兵糧轉運維艱三十九年烏魯木齊都統陝西總督奏明准將西安滿營移駐巴里坤其甯夏營滿兵

移駐古城領隊大臣一協領之官二

防禦八

驍騎校八催總八人領催三十二人前鋒四十人

馬甲七百六十八人礮手十六人步甲一百四十四人匠役十六人養育兵六十人

庫爾喀喇烏蘇領隊大臣一

哈密辦事大臣一

皆北路駐防之滿營也

烏魯木齊提督

駐劄迪化城舊制提督駐劄巴里坤總兵駐劄烏魯木齊乾隆二十九年移原駐巴里坤之安西提督及提標中營參將隨提督駐烏魯木齊即改烏魯木齊鎮標三營爲提標三營又移原駐烏魯木齊總兵官及鎮標中營遊擊隨總兵官駐巴里坤即改巴里坤提標三營爲鎮標三營以原屬安西提標之安西城守營哈密沙州二協靖逆布隆土塔爾灣橋灣赤金踏實黃墩瓜州雙塔惠回塔爾納沁等營隸巴里坤總兵統轄聽安西提督節制

統轄本標官兵及分防各營兼節制鎮標二

提標中營

乾隆二十七八九並三十三年由安西提標甘涼河州延綏甯夏興漢西甯固原各營移駐左營右營同

中軍參將一守備一千

總二

內撥阜康防汎一人

把總四經制外委五額外外委八馬兵四百七十四

人步兵四百七十五人屯兵五百人右營部司一

駐劄景化城

守備一

千總二把總四經制外委六額外外委七馬兵四百七十四人

步兵四百七十五人屯兵五百人

迪化城守營

乾隆二十八並三十二三十九等年由涼州甯夏甘州安西河州肅州沙州固原西甯延綏興漢各營移駐

都司一守備一千總二

把總四經制外委六額外外委八馬兵五百人屯兵五百人

鞏甯城守營

乾隆二十四年由提標中左右三營裁移

都司一千總一把總一經制外委二額

外外委四馬兵一百五十人步兵一百五十人

濟木薩營

乾隆三十六七並四十二等年由甘州涼州西甯肅州固原甯夏各營移駐

參將一守備一千總二把總四

經制外委八額外外委八馬兵四百五十四人步兵四百五十

五人

瑪納斯協營

乾隆四十二四十三等年由甘州涼州西甯肅州甯夏各營移駐

副將一左右營都司二中軍守

備二千總四把總七經制外委十額外外委十二馬兵七百萬

### 新疆圖志

軍制一

四

十四人步兵七百九十三人

喀喇巴爾噶遜營

乾隆三十七年由陝甘各提標移駐歸瑪納斯協標管轄

守備一把總二經制外委二

額外外委二馬兵一百五十人步兵一百五十人

庫爾喀喇烏蘇營

乾隆四十七並五十一等年由固原甘州西甯河州瑪納斯各營移駐

游擊一守備一千總二把

總二經制外委四額外外委五馬兵三百人步兵三百人

精河營

乾隆四十七並五十一等年由固原甘州西甯河州瑪納斯各營移駐

都司一千總一把總二經制外委三

額外外委三馬兵二百人步兵二百人

右屬烏魯木齊提標

巴里坤鎮總兵官統轄本標官兵及分防各營

鎮標中營

乾隆二十七年由安西移駐左營右營同

游擊一守備一千總一把總四外委六額

外外委六馬兵四百十二人步兵二百三十八人右營游擊一

守備一千總二把總四外委六額外外委六馬兵四百十三人

步兵二百三十九人屯兵五百人

巴里坤城守營

乾隆四十二年由塔實堡沙州移駐

都司一千總一把總二外委二額外

外委二馬兵一百十二人步兵七十二人

哈密協營

乾隆二十六年由安西提屬靖逆沙州等官裁移

副將一都司一千總二把總六經制外

委六額外外委七馬兵四百二十五人步兵四百零五人

塔勒納沁屯田都司一

駐劄塔勒納沁

把總一兵二百人

蔡把什湖屯田把總一

駐劄蔡把什湖

兵二百人

木壘營

乾隆三十二年並三十六年由塔爾灣安西等營移駐

守備一把總二外委二額外外委二馬

兵一百四十四人步兵一百六十人屯兵一百五十人

右屬巴里坤鎮標

伊犁鎮總兵官

乾隆二十五年辦事大臣阿桂綠營兵丁數已二千必須綠營大員方足以資彈壓查烏魯木齊屯務現有達奇金梁二人管理彼

處辦理已有三三章程已略定應請明年所添調種地兵丁即令金梁帶赴伊犁辦理得旨允行

統轄本標官兵及分防各營

鎮標中營駐綏定城

自乾隆廿五年起陸續由陝甘調撥綠營兵駐守開屯按期更換四十二年將軍伊勒圖奏言伊犁種地綠營兵丁俱由陝甘各標派撥五年一換派撥之際應給製

辦銀兩不惟糜費錢糧亦覺紛擾今伊犁攜眷滿洲蒙古兵丁駐防多年情形較初移駐時迥別哈密巴里坤烏魯木齊瑪納斯等處種地綠營兵丁亦改爲眷兵駐防所需管轄伊等之總兵各官按照現在換防數目作爲一定額缺得旨允行旋於

四十四年由陝甘各營移駐攜眷官兵三千零九十八人建綏定廣仁瞻德拱宸熙春塔勒奇六城分駐

遊擊一守備一千總二把總四經制

外委六額外外委六馬步兵各三百人左營駐廣仁城遊擊一

守備一千總二把總四經制外委六額外外委六馬步兵各三

百人右營駐瞻德城都司一守備一千總二把總四經制外委

### 新疆圖志

軍制二

一

### 六額外外委六馬步兵各三百人

霍爾果斯營駐拱宸城參將一守備一千總二把總四經制外

委六額外外委六馬步兵各三百五十人

巴彥岱營駐熙春城都司一千總一把總二經制外委三額外

外委三馬步兵各一百五十人

塔勒奇營駐塔勒奇城

受霍爾果斯參將兼轄

守備一千總一把總一經制外

委二額外外委二馬步兵各一百人

北關汎

乾隆五十五年署將軍永保奏設北關汎稽查盜賊

守備一把總二

嘉慶十年將軍松筠奏明惠遠城北關汎原派兵一百人不足以資巡防請於中左右等六

營抽撥差兵一百人又以原設守備員弁照料難周請於鎮標左經制外委二額外外委二兵

右內添撥把總一人額外外委各一人移駐彈壓得旨允行

二百人書識十四人

皆北路駐防之綠營也至北路滿綠營之換防僅有塔爾巴哈台

而南路吐魯番亦屬於烏魯木齊

塔爾巴哈臺參贊大臣設協辦領隊大臣一

專管東路卡倫

專理游牧領隊

大臣一

兼管西路卡倫章京三筆帖式

二委筆帖式十卡倫侍衛十二

大臣一

兼管西路卡倫章京三筆帖式

二委筆帖式十卡倫侍衛十二

滿營由伊犁換防領協之官一佐領之官四防禦三驍騎校七兵七百二十人

錫伯營由伊犁換防佐領一驍騎校一兵一百三十人

索倫營由伊犁換防驍騎校一兵一百三十人

察哈爾營由伊犁換防佐領一驍騎校一兵一百六十人

厄魯特營由伊犁換防佐領一驍騎校一兵一百六十人

綠營由陝甘省換防總理屯務官一或副將或參將不一協理屯務兼管城守

營官一或遊擊或都司守備不一分理屯務官二或都司或守備不一千總九經制外委八書識

三人馬兵一百六十六人步兵六百三十四人

吐魯番領隊大臣管理滿營差營屯田回務此缺舊係關展辦事大臣乾隆四十五年改設筆帖式一委筆帖式二書識八人

滿營由烏魯木齊換防協領之官二佐領之官四防禦四驍騎

校四催總四人領催十六人前鋒四十人內委金頂藍翎前鋒校四人小旗四人馬甲三百

八十四人步甲五十六人礮手八人匠役八人養育兵四十八

人

### 新疆圖志

軍制二

六

綠營由陝甘省換防都司一守備一千總四把總四經制外委

八兵三百三十人管理屯務都司一守備一千總四把總四經

制外委七兵七百人

其餘南路八城滿綠營概係換防分晰例左

喀什噶爾參贊大臣總辦八城事務協辦大臣一專理喀什噶爾及英吉沙爾事務二缺皆乾隆二十四年設三十年移參贊大臣於烏什改設辦事大臣一人協辦大臣一人五十二年復舊制章京四筆帖式四委筆帖式九侍衛十人

滿營由烏魯木齊換防者協領一佐領一防禦一驍騎校三兵

三百三十一人由伊犁惠遠城換防者佐領一作爲營長前鋒校二作爲委

騎校作爲委委筆帖式一驍騎校小旗四人前鋒二十四人領催四人兵三

十五人由伊犁惠甯城換防者防禦一作爲參領前鋒校一作爲委驍騎校

小旗一人前鋒八人領催二人兵十八人又有由伊犁換防之錫伯

營佐領一作爲副營長驍騎校一領催四人兵九十六人

綠營副將一乾隆四十二年設總兵一人三十二年改設副將遊擊一千總三把總三經制外委六

聽差都司守備二兵六百二十五人由西甯鎮屬換防四百九十三人由漢中鎮屬換防七十人由烏魯木齊換防六十三人

英吉沙爾領隊大臣兼管卡倫隸喀什噶爾參贊大臣自乾隆二十四年設總兵官駐劄三十一年改設筆帖式一委筆帖式二

滿營由烏魯木齊換防防禦一兵十人

綠營由陝西河州鎮屬換防遊擊一千總一把總一經制外委

二兵一百人

阿克蘇辦事大臣乾隆四十四年裁烏什領隊大臣移駐阿克蘇嘉慶二年改設辦事大臣章京二筆帖式二委筆帖式五書識五人

滿營由烏魯木齊換防佐領一防禦一驍騎校一貼寫五人兵

六十人

綠營由陝甘換防遊擊三阿克蘇一賽拜一銅廠一千總二把總五阿克蘇二賽拜城一銅廠一嘉慶四年由烏什隨錢

局分撥一兵六百九十八人嘉慶二十年伊犁將軍松筠奏請由烏什添調換防兵六十人二十一年經伊犁參贊大臣長齡議覆奉旨施行

烏什辦事大臣乾隆三十年移喀什噶爾參贊大臣一協辦大臣一駐劄烏什又設領隊大臣一四十四年移領隊大臣駐劄阿克蘇五十二年移參贊大臣協辦大臣駐劄喀什噶爾烏什照舊制駐劄辦事大

臣章京二筆帖式 委筆帖式四卡倫侍衛六書識十二人

滿營由巴里坤古城吐魯番換防佐領一防禦一驍騎校一貼

寫八人兵一百四十四人

綠營由陝甘換防參將一都司一守備二城守營屯田各一千總三城守營一屯田二巴

### 新疆圖志

軍制一

七

總四城守營三屯田一經制外委八額外外委二馬步兵五百二十五人舊係八十五人嘉慶二十一年撥出六十人移駐阿克蘇

屯田兵二百五十人

葉爾羌辦事大臣一協辦大臣一乾隆二十六年設領隊大臣二人尋省以協辦大臣兼理領隊事務章京三筆帖式三委筆帖式十五侍衛十二書

識九人

滿營由巴里坤古城吐魯番換防佐領之官二巴里坤吐魯番各一驍騎校二

巴里坤古城各一兵二百零六人

綠營由陝甘省換防副將一遊擊一都司二千總三把總六經

制外委九兵六百八十人

和闐設辦事大臣歸葉爾羌節制協辦大臣一章京一筆帖式一委筆帖式五貼寫四人

綠營由陝甘省換防都司一千總一把總一經制外委二馬步

兵二百一十三人

庫車辦事大臣一兼轄沙雅爾乾隆二十四年設章京二筆帖式二委筆帖式八

綠營由陝西省換防都司一守備一千總一把總二經制外委

三書識十人兵二百零二人

喀喇沙爾辦事大臣

章京三筆帖式三委筆帖式十一貼寫通事十八

綠營由陝甘省換防遊擊一守備一

屯工管理千總一

屯工管理把總四

屯工管理經

制外委三

二管理牧廠二管理屯工

書識八人

印房六糧餉局二

城守營兵丁二百一十人

內水手兵

丁十臺卡兵丁八十四人頭工兵丁七十一人二工兵丁一百零

一人三工兵丁一百三十人

此外又有回兵分隸各城伯克然

本朝掌故諸書均僅列其伯克郡王國公之數並不詳及兵額則知當日所謂回兵者不過於戡定全疆時藉爲編戶之資並非如旗綠各營果可徵諸實用也

嘉咸而後旗綠各營久不足額兼之妥索構難白逆乘之人民喪亡殆盡舊制因之蕩然左宗棠督辦軍務籌畫情形首陳兵事宜早爲整理曰西事稽延至今未睹成效由於冗食多而戰士少耳旗綠諸營久不足額就近各省無勁兵應調於是取土著兵民及各處就食兵民授地耕墾一備軍食一備戰守無事則驅其盡力

新疆圖志

軍制一

八

農畝有事則調其效命鋒鏑謂之且耕且戰事非不勞謂之卽兵卽農名非不美然調赴期會則彼此觀望數日不能取齊麾令前驅則勇怯雜糅氣勢不能完整其何以戰且旣掛名武籍又令其從事耕耘譬猶左手畫圓右手畫方兩者相兼必致一無所就是且戰之兵不能戰且耕之兵不暇耕也茲宜劃兵農爲二擇其精壯有膽之兵宜馬者馬宜步者步束以營制一如內地軍營其曾著戰績如除學功輩用之爲管帶爲督帶其才能辦事如孔才輩用之爲幫辦凡督帶管帶以及所部哨官什長酌給薪水辦公銀兩散人給餉與糧按照客軍營制減給其愿弱不任戰者散之爲農按照戶口指餘荒地畝令其承墾由官酌給籽種農器耕牛收穫後繳本歸倉外不取息其所穫糧石由官照時價收買庶簡其精壯營伍可得而實散其愿弱屯墾可得而增兩利之道也關外各城所駐大臣有辦事領隊大臣幫辦之分所駐之兵有錫伯索倫達呼爾察哈爾蒙古厄魯特沙畢納爾及綠營攜眷兵換防番

戍兵之分亂後舊制不可復按而辦事幫辦領隊大臣與本營存兵外兼帶馬步各營各請專餉所稱馬隊步隊既罕能戰之兵而辦事幫辦領隊各員又非盡知兵之選徒糜餉糧無濟實用都統及各大臣因慮產餉未極其豐增竈更形其絀力主畫地自封閉關謝客之議以護官私屯糧不顧兵事利鈍金順進駐古城張曜進屯哈密遲回不前而後隊尙屯遼原防者以此現在巴里坤古城已辦採運哈密已開營屯金順張曜兩軍留後之隊應卽陸續開拔兵力既增則屯丁可減竊維此時必分兵農責兵以戰課農以耕而後餉事可節兵事可精也哈密巴里坤古城所駐各大臣就見在所存旗營核定糧餉如缺額過多准照舊額馬步就地挑募丁壯補數但責其保守城隘不必責以戰事脫屯丁伍籍散之歸農則盡力隴畝民樂耕其野而官屯私屯地畝收穫餘糧准照時價發糶民益得其饒不但分駐各軍可資接濟卽調發續進馬步沿途就地採購毋期裹糧以趨於兵事更覺順利較之見在辦法兵農兩荒不猶愈乎如蒙聖明鑒允應請飭下金順文麟遵照辦理庶於時局有裨此籌整理哈密巴里坤古城兵事實在情形也疏入得

旨允准然戎馬倥傯不過藉紓目前之急更無與於久安長治之計也大難既定宗棠首建議伊犁設將軍又設參贊大臣烏魯木

齊設都統又設提督塔爾巴哈臺葉爾羌均設參贊大臣喀什噶爾阿克蘇庫車和闐喀喇沙爾均設辦事大臣伊犁等處設領隊大臣五員塔爾巴哈臺烏魯木齊庫爾喀喇烏蘇古城巴里坤吐魯番烏什英吉沙爾均設領隊大臣哈密設辦事大臣協辦大臣各一員葉爾羌設兼管和闐事務協辦大臣一烏什設幫辦大臣一喀什噶爾又設換防總兵是邊地腹地皆一律視之無甚區別治兵之官多治民之官少於經野馭邊之義不符宜改置行省又言從前額兵之多者一則新疆與蒙部回番雜處兵少恐啟戎心一則新疆須由內地撥兵換防兵少難敷調派若以現在局勢而

言蒙部回番已就鈐束防營可以漸減前奏改行餉爲坐餉圖節勇餉爲復甘肅制兵之漸新疆南北如置行省換防之制可以永停

上是其議未經舉行而宗棠奉

旨入覲六年冬十月劉錦棠署理欽差大臣就宗棠原奏變通籌商以爲新疆與甘肅形同唇齒凡籌兵籌餉皆以關內爲根本不宜劃爲兩省擬設甘肅巡撫駐烏魯木齊並請加兵部尙書銜俾統轄全疆官兵督辦防務回疆東四城擬設分巡兵備道駐阿克蘇西四城擬設分巡兵備道駐喀什噶爾得

旨允行十年春二月劉錦棠金順張曜譚鍾麟按照部議各節悉心區畫將欸項之應用應抵兵勇之應留應汰就宗棠原議三百數十萬之餉量入爲出以昭覈實錦棠旋條陳數事一曰留兵勇以定餉數承平時新疆旗綠各營數逾四萬協餉係與甘肅併估一歲之中預撥正撥四百一十五萬兩有奇常例分半提用後前

## 新疆圖志

軍制一

十

額兵職官北路獨多今則南路并重南路形勝以喀什噶爾爲最阿克蘇次之現擬酌定全疆旗綠以三萬一千人爲準如部臣所議將舊有之烏魯木齊巴里坤古城庫爾喀喇烏蘇吐魯番各處旗丁歸併伊犁卽以伊犁將軍與塔爾巴哈台參贊爲駐防旗制合馬步勇營共足萬人餘以六千三百人歸喀什噶爾道屬以四千五百人歸阿克蘇道屬以六千四百人歸鎮迪道屬其巴里坤則定三千八百人全疆餉項除已收之坐糧標勇士勇外餘存之營尙須照支行餉一曰改營制以歸實用向來駐防旗營例分前鋒領催馬甲步甲及養育兵月餉季糧各有等第綠營分馬步守三項今於伊塔兩處分兵一萬擬伊犁分七千人塔爾巴哈臺分三千人伊犁卽就現存錫伯索倫察哈爾厄魯特及擬移烏魯木齊各城旗丁挑選三千人作旗兵再於金順所部勇營挑留四千人作馬步遊擊兵應如何歸舊設伊犁總兵等官統馭卽由將軍轄制酌定塔城挑留旗兵千人再於錫綸所部勇營挑留二千人

作馬步遊擊兵該處亦有綠營官弁應由參贊酌度其三道所屬共二萬一千人馬步分編擇駐險要除酌派各處分汛外餘兵隨所隸之將軍參贊巡撫提鎮練習俾成勁旅一曰定官制以一事權關外向止鎮迪一道今則南路添設兩道并畫哈密通判以隸新疆計廳州縣官二十餘員回疆始有治民之官旗丁概歸伊塔駐防擬請除留伊犁將軍塔爾巴哈臺兩處旗營外其餘兩路之都統辦事協辦領隊各官概予裁撤移烏魯木齊提督於喀什噶爾移喀什噶爾換防總兵於阿克蘇其所屬各營旗分防城隘應更勘明定議鎮迪道屬之兵卽作撫標每年協餉仍歸陝甘總督統估按數分起撥解又配造子藥所需物料應歸總督飭甘肅新疆總糧臺分別購造撥解應用年終由應分協餉內劃抵歸欵旗營各員參用勇營之章便於訓練如副將作營旗官卽以中軍都司爲總哨千總經制外委爲正副哨長參將遊擊作營旗官卽以中軍守備爲總哨千總經制外委爲正副哨長都司守備作營旗

## 新疆圖志

軍制一

十一

官卽以中軍千總爲總哨把總經制外委爲正副哨長兵署卽同行營聲息聯爲一氣治兵之官不似往者之冗而事權可一矣奏入均報可惟前疏請裁旗員而伊犁參贊一缺塔爾巴哈臺領隊二缺未經議及旋奉

諭核議十一年夏五月錦棠覆陳伊犁請改設副都統二員塔爾巴哈臺請裁滿洲領隊而留厄魯特領隊并添設副將一員悉蒙俞允先是八年秋錦棠請將烏魯木齊古城巴里坤所餘旗丁并遷伊犁滿營故前奏有伊犁卽就現存錫伯索倫察哈爾厄魯特及擬移烏魯木齊各城旗丁內挑選三千人之語嗣金順奏伊犁旗丁尙多挑補足額請改遷塔城又經護巴里坤領隊金貴咨稱塔城毗連俄界恐彫敝之餘難資禦侮於是遷伊遷塔久無定議十一年夏錦棠復議歸併古城新築滿城安插請照甘肅莊浪滿營例改設城守尉以資鈐束十三年春請照河南山西城守尉例歸新疆巡撫兼轄明年三月新授城守尉德勝蒞任古城錦棠委

道員英林會同將三處員弁兵丁擬定旗分造冊呈核實存協領三佐領防禦驍騎校各十筆帖式二委筆帖式三又雲騎尉五恩騎尉三各兵丁九百九十八人外閒散幼丁六十一人按照旗制僅敷六旗之數是年八月奏請總計六旗共設佐領六防禦六驍騎校六部缺筆帖式一委筆帖式二催總領催三十六前鋒如之馬兵七百二十八人礮手匠役各十二人步甲一百十六人養育兵六十人總設官二十一兵千人照現存官兵數目應裁協領三佐領防禦驍騎校各四部缺筆帖式委筆帖式各一尙應補兵二人其官俸兵餉均照滿營承平舊制分別定支得

旨允准十二年冬十月錦棠與魏光燾遂將南北兩路巡撫提鎮各標額餉兵制妥籌議奏向章勇丁一營自營官總哨至正副哨長共官弁十人標營擬每營旗祇以副參遊都守作營旗官而量設千把爲哨長經制外委爲巡查其總哨副哨長概從裁省又勇丁營制步隊一營火勇占額四十餘名一旗占額三十餘名馬隊

新疆圖志

軍制一

十二

火勇向在額外標營則向無火勇茲既照勇營之制火勇自難裁減擬改步隊以四百九十八人爲營三百六十七人爲旗官弁火勇在內馬隊以二百五十人爲營百二十六人爲旗官弁在內火勇在外而議設標營則不計火勇以足原議其所擬章制

撫標以舊有提標中左右三營改設內設中軍參將一遊擊二并中軍守備以下等官共四十餘人勇二千餘人省城重地合舊有之迪化鞏甯二營設城守協副將一并中軍都司以下等官以舊有喀喇巴爾噶遜營隸之瑪納斯濟木薩庫爾喀喇烏蘇營皆依舊制略爲增減精河舊設都司地當伊犁衝要擬設參將以資控制吐魯番昔爲換防兵地屬鎮迪道擬就道屬兵數內增設遊擊一人駐之均隸巡撫兼轄計設副將二參將三遊擊四都司四守備十三千總十九把總五十二經制外委三十四共官百三十一人步隊八營三旗馬隊十五旗除火勇共正勇六千四百四人嗣復添設撫標開花礮隊一哨

喀什噶爾提標設中前左右四營參將一遊擊三守備七千總把  
總經制外委四十五步隊四營馬隊七旗城守營遊擊一守備  
千總把總經制外委十步隊一營馬隊一旗開花礮隊一哨回  
城設副將一都司守備各一千總把總經制外委十二步隊二  
一營馬隊一旗英吉沙爾設參將一守備一千總把總經制外  
委九步隊一營馬隊一旗葉爾羌設副將一都司一守備二千  
總把總經制外委十五步隊一營馬隊三旗其所屬葉城縣卽  
由所設馬隊內分右旗駐防瑪納巴什設遊擊一守備一千總  
把總經制外委七員馬步隊各一旗和闐州設參將一守備一  
千總把總經制外委九步隊一營馬隊一旗其所屬于闐縣卽  
由所設步隊內分左哨駐防喀什噶爾中營另設蒙古把總二  
缺均歸提督管轄計設副將二參將三遊擊五都司二守備十  
五千總十九把總五十五經制外委三十五并提督共官百三  
十七人步隊九營一旗馬隊十六旗開花礮隊一哨除火勇共  
正勇六千三百九十七人

新疆圖志

軍制一

十三

阿克蘇鎮標設中左右三營遊擊三守備六千總把總經制外委  
三十六步隊三營馬隊六旗并抽右營馬隊一旗分駐拜城縣  
城守營設都司一守備一千總把總經制外委五步隊一旗開  
花礮隊一哨烏什設副將一都司二守備一千總把總經制外  
委十六步隊一營一旗馬隊二旗喀喇沙爾設參將一守備一  
千總把總經制外委九步隊一營馬隊一旗庫車所屬沙雅爾  
設遊擊一守備一千總把總經制外委七馬步隊各一旗中營  
另設蒙古把總二缺均歸總兵管轄計設副將一參將一遊擊  
四都司三守備十千總十三把總三十九經制外委二十三并  
總兵共官九十五人步隊五營三旗馬隊十旗開花礮隊一哨  
除火勇共正勇四千五百三十三人

巴里坤鎮標設中左右三營遊擊三守備三千總把總經制外委  
二十七步隊三營馬隊三旗城守營設都司一千總把總經制

外委四步隊一旗哈密協營設副將一都司一守備一千總巴  
總經制外委十有二步隊一營馬隊二旗哈密協屬塔爾訥沁  
設守備一把總一步隊一哨古城營設遊擊一守備一千總把  
總經制外委九步隊一營馬隊一旗木壘營設守備一把總經  
制外委三馬隊一旗中營另設蒙古把總二缺均歸總兵管轄  
計設副將一遊擊四都司二守備七千總十一把總二十九經  
制外委十八并總兵共官七十三人步隊五營一旗一哨馬隊  
七旗除火勇共正勇三千五百十七人

伊犁鎮標設中左右三營遊擊三守備五千總把總經制外委二  
十七步隊三旗馬隊五旗綏定城守營都司一守備一千總把  
總經制外委五步隊一旗開花礮隊一哨甯遠營都司一守備  
一千總把總經制外委七步隊一旗馬隊一旗霍爾果斯參將  
一守備二千總把總經制外委十步隊一旗馬隊二旗均歸總  
兵管轄計設參將一遊擊三都司二守備九千總十二把總二

新疆圖志

軍制一

十四

十三經制外委十四并總兵共官四十九人步隊六旗馬隊八  
旗除火勇其正勇三千一百零六人

塔城協標設中左右三營計都司二守備四千總把總經制外委  
二十有四步隊三旗馬隊四旗除火勇共正勇九百九十八人  
總計南北兩路共有兵三萬一千人統由巡撫節制章下悉經兵  
部覆准此兵制之一變也